



Vita de ploania y de paisc

- **Sorvisc liturgich:** al ven cherí porsones co deida abelí les gran messes dla domegna ales 06:30: soné, cianté, ... Chi co se metess a disposiziun da daidé é bel peries da le lascé alessei al president dal consei de ploania Jan Agreiter.
- **Sorvisc de cortina:** Adolf Feichter á lascé alessei ch'al ne fej nia plü ennant le laur da ciaé les fosses y le sorvisc pa les sopoltöres. **La ploania dij a Adolf en bel iolan y Dio ti al paii por so bun laur.** Al ven porchel cherí porsones co se met a disposiziun da sorantó chisc sorvisc. Chi co foss a öna da daidé é bel peries da le lascé alessei al president dal consei de ploania Jan Agreiter.



Enformaziuns y termins

La Ciasa de Palsa da San Martin de Tor chir n/na ergoterapist/a o n/na fisioterapist/a. Enformaziuns plü menüdes sön www.ciasadepalsa.it o ☎ 0474 524786.

Con la Caritas al mer: ince eniann organiseia la Caritas dis de vacanzas a Caorle por seniores: dai 15 ai 27 de ma y dai 4 ai 16 de setember. Deplü enformaziuns da Caritas, Ferien und Erholung, Bozen, Sparkassenstraße 1, ☎ 0471 304340, ferien@caritas.bz.it - www.caritas.bz.it. Prenotaziuns da atira y cina ch'al é lerch!

“**Frühe Hilfen Bruneck**“ **Sosten por omes, peri y sü mituns da 0 a 3 agn:** le KFS - Katholischer Familienverband Südtirol adöm al team dal sorvisc „Sosten por omes, peri y sü mituns da 0 a 3 agn“ chir voluntars co oress passé n per de ores al'edema daidenn families jones con mituns da 0 a 3 agn. I voluntars deida da fá laurs pratics da vigne de y pita aiüt por n tomp cört. Renforzede nosc team y contatede le ☎ 333 620 3945 o bildung@familienverband.it. Der chiris/des foss enfermieres/s por mituns en ponsiun.

**Jiné n'ô nia di demanco, jiné ô di deplü:
plü palsa y pesc, plü calma y chit,
plü tomp por Chel Bel Dio y plü tomp por la jont,
plü amur y plü misericordia.**

Döt le bun a:	Lois Willeit, Al Plan	* 20.02.1939
	Maria Maddalena Feichter	* 21.02.1939
	Lois Trebo, Al Plan	* 22.02.1935
	Heinrich Willeit	* 22.02.1940
	vesco Ivo Muser	* 22.02.1962
	y a düc chi co á santennom y compless i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns: cina le **dedemesaledema** sera a Franz Rigo, ☎ 347 2310129 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann A

19.02.2023 - 7. domegna ia por l'ann

n. 13

Chel co se ten ala parora de Crist, te chel é l'amur de Dio veramonter perfet. Alleluia.

(aclamaziun dan le Vangelo)

📖 Lev 19, 1–2.17–18 | 1 Cor 3, 16–23 | Mt 5, 38–48

De natöra sunse portés a reter aladô dal mal co nes é gnü fat, chel ó di, a nes vendiché a val' moda. Mo sc'i ciarun desche che Chel Bel Dio fej con nos, messunse dé pro ch'i an dagnora debojügn che el nes pordoni. Belo tal Vedl Testamont ti á Chel Bel Dio motü a cör al popul dla alianza da amé le proscimo (1ª letöra). Gejú á tut cösc comandamont y l'á slarié fora a dotes les porsones, comanenn cinamai da amé nosc nemich. Tal medemo tomp ál mostré con söa mort ci ch'al ó dí le der amur dal proscimo: le der amur por le proscimo met man olá ch'an ne ciara nia plü sön le profit personal (Vangelo). San Paul sotrisseia l'emportanza dal cristian, dla persona co á ciafé le Spirit Sant, recordenn che ara é "templ de Dio". Mo al enjuta en amonimont: "Chel co destrüj le templ de Dio, chel gnará destrüt da Chel Bel Dio. Deache le templ de Dio é sant, y chel seise os" (1ª letöra).

da "Bibia di Sandis"

Dal Vangelo do San Mateo:

Te chel tomp á Gejú dit a sü discepui: ³⁸I eis aldí ch'al é gnü dit: Edl por edl y dont por dont. ³⁹Iu endere ves diji: No stede a se meter cuntra chel co ves fej de mal, mo sce önn te bat söla massedla derta, tegni ince ia l'atra. ⁴⁰Y sce önn ô te condüje dan signoria, por te tó la ciameja, spo lasci ince le mantel. ⁴¹Y sce önn ô te sforzé da jí mile vari empara, spo va dui mile empara. ⁴²Dái a chel co te preia, y no desgorje chel co ô s'empresté val' da te. ⁴³I eis aldí ch'al é gnü dit: Te desses ti orei bun a to proscim y ti avei le senn a to nemich. ⁴⁴Iu endere ves diji: Oredi bun a üsc nemisc, y periede por chi co ves porseghiteia, ⁴⁵por ch'i deventeise fis de osc Pere sö al ci; deach'al lascia loé soredl sora i ri y i boggn, y al lascia plöei sora i iüsc y i iniüsc. [...]



**Os desses ester perfec,
desche ince osc Pere
sö al ci é perfet.**

Mt 5, 48

📖 *Letöres dla Pröma domegna de Carsema:*

Gen 2, 7–9; 3, 1–7 | Rom 5, 12–19 | Mt 4, 1–11

